

BONERIANO®

EDITOR:
Bonaire Communication Services N.V.

Djârason 3 ougùstùs 2022 | Preis: \$1.00


DESPEDIDA EMOSHONANTE



Aktivitat di fakansi pa mucha



Resientemente Mojoni's Gift Shop a organisá un Spa Day di fakansi pa mucha. E aktivitat a tuma lugá na Sentro di Bario Amboina i tabata enserá tratamentu pa kara, pedikür, pintamentu, baile, desayuno, lùnch, kosnan di boka dushi i seshon di potrèt. Na final e muchanan a risibí unifòrm, 'goody bag', un potrèt pa bai kas kuné i tambe cupcake.



A mata galiña Sjonny i su famia kompletu

Mester tuma akshon kontra kachónan lòs

KRALENDIJK – Djaluna atardi tabata un momentu di shòk, tristesa i desepshon pa Esther Zimmerman, kende ta biba den e bario di Nort di Saliña, pa ta eksakto den Kaya Shastan. Na momentu ku el a lanta mainta tabatin basta bochincha den su kurá di kas i el a bai wak i haña dos kachó den su kurá, unu riba kouchi di su galiñanan i unu den banda.

Mirando ku e ta kria galiña ku masha amor, pa protekshon di su galiñanan, el a kore ku e kachónan. Ta-

bata trata di dos kachó, unu tabata blanku ku vlèk pretu i banchi blou. Despues ku el a kore ku nan, e mester a hasi algun reparashon den su kurá komo ku e kachónan a destruí basta kos. E tabata nèt na tempu ku nan no a logra habri e kouchi i hasi daño na e galiñanan. El a logra kore ku e kachónan i asina trese trankilidat i protekshon pa su bestianan.

Dramátiko

Via di un ‘post’ di feisbuk via di Durf te Vragen, djamars mardugá, Azile

Hassel, identifká pa redakshon di e korant aki pa Esther Zimmerman, a hasi un publikashon bastante dramátiko i desepshoná riba e echo ku dos kachó mas a atardi a regresá i a mata henter su krio di galiña ku e tabata kria ku hopi amor i dedikashon. Nos a tuma kontakto ku Esther i el a mustra enberdat su rabia, desepshon i tristesa pa e situashon ku el a haña su mes aden djaluna último.

“Mi tin algun tempu kaba ta kria galiña i tabata for di un proyekto di skol ku mi mes a sòru pa den un forma eksplorativo pa a yuda i wak e webunan di galiña brui. Mi a haña e webunan aki na un kunuku. Mi tin hopi amor pa bestia, pues mi a dediká hopi tempu pa wak henter e proseso di nasementu di e galiñanan aki.”

“Nan a bira grandi i tabata mi kompañó. En total mi tabatin tres galiña i nan tabata den proseso di pone webu. Ku hopi entusiasmo mi tabata pendiente pa mira nan webunan tambe konbertí den nasementu di mas. Mi galiña preferí ta Sjonny. Mi tin un konekshon spesial kuné. Mas atardi mi a sali dal un rònchi i na momentu ku mi a yega kas mi a topa un situashon doloroso i tristu”, Esther Zimmerman a duna di konosé.

Sjonny

Esther: “Het moment dat ik naar buiten loop tref ik een hartverscheurende situatie. Al mijn kippen zijn dood, dus ook Sjonny”.

Di un forma dramátiko el a skirbi e notisia aki riba feisbuk pa deshogá su rabia. “Mi ke sa ken ta doño di e kachonnan i ke topa ku e persona aki. E galiñanan aki no tabata djis algun galiña. Nan tabata mi beibinan, ku mi a kria i lanta ku hopi amor i dedikashon. Dor di deskuido di nan kachónan, awe mi a pèrdè mi galiñanan. Mi a haña

hopi odio i rabia riba bo i bo kachónan”, Esther ta bisa riba feisbuk.

Amor pa bestia

Den kombersashon ayera mainta ku e korant aki, Esther a bisa ku e tin hopi amor pa bestia i e no ta komprondé kon doñonan di kachó no ta kuida nan bestianan. E ta bisa ku doñonan di bestia mester sòru hopi mas mihó pa nan bestianan, den e kaso spesífiko aki kachónan pa evitá ku nan ta hasi daño na otro.


E galiñanan aki, en total tres, a nase na aprel i tabata wòrdu kriá ku hopi amor. Nan tabata biba den un kouchi den kurá. Sjonny tabata e promé ku a nase i e no tabata sa ku e ta un gai òf galiña. Despues el a resultá di ta un galiña. E no sa ken ta e doño di e kachónan aki. E no ke pidi daño perhuisio, komo ku e balor p’e



tabata bida di su galiñanan. Úniko fabor ku e ta pidi e doño di e kachónan ta pa kuida nan bestianan bon i no laga nan kana lòs asina komo ku nan ta hasi daño na otro. Tene kuenta ku krio di bestia ta un responsabilidad i si bo no por dediká tempu na esaki, mihó no hasi’é. Finalmente Esther ta bisa ku no ta promé bia tin molester di bestia den e bario. Kabritu tambe ta drenta kurá di hende kome matanan. Apesar di esaki, mirando su amor pa bestia e sa duna nan asta kuminda. Kada doño di bestia mester kuida nan bestianan ku mas amor i dedikashon.



Tur loke ta payroll i HR den bo plant'i man!
www.payrollprohrm.com



GET IT ON Google Play | Download on the App Store | Payroll Pro

DESPEDIDA EMOSHONANTE

KRALENDIJK – “De tijd tikt onverbiddeijk door. Nog even en ik ga dit aards bestaan verlaten. Ik heb gevocht als een leeuw, maar het mocht niet baten. Ik lig hier te wachten tot de dokter komt en dan valt het doek. De worsteling is immens geweest. Iedereen bedankt voor de steun en de lieve berichtjes die ik de afgelopen 3 en een half jaar mocht ontvangen. Het gaat jullie goed.” Esaki Herma Merx, persona bon konosí, a skirbi ayera mainta riba su facebook.

Herma Merx, esposa di e konosido artista-pintor Henk Roozendaal, a tuma despedida emoshonante ayera mainta di su amigu i konosínan. El a skohe



pa eutanasia, despues ku durante tres aña i mei el a bringa kontra kanser. Un muhé balente, pero ku na final no por a hasi otro ku di entregá. Otro víktima di e enfermedat temibel i teribel di kanser.

Tres aña i mei pasá dòkternan a detektá kanser serka Herma. El a bai Hulanda pa tratamentu, pero na sierto momentu dòkternan a bis’é ku e no tin masha

tempu di bida mas. A dun’é algun luna, pero a lo largu el a biba te ayera.

Herma i su esposo Henk Roozendaal a papia habrí ku Velli Gijsbertha den e programa ‘Makambas op Bonaire’ tokante nan enfermedat. Pasobra serka Henk tambe a konstatá kanser. Nan no tabata kontentu tur biá kon dòkternan a atendé ku enfermedat di Herma. Henk a bisa ku den situashon di su esposa kánabis medisinal tabata un bon tratamentu, pero tabatin problema pa a pèrmití esaki.

Henk den ‘Makambas op Bonaire’: “Mi ke boga pa legalisashon di kánabis pa sierto pashènt. Herma tabata hopi malu. E no tabata



apetit, pero aplikashon di kánabis medisinal a dun’é apetit bèk.”

Herma den mesun programa di televishon: “Kánabis ta un produkto di mama naturalesa. Na lugá di legalis’é, ta preskribí tur sorto di otro remedi ku tin

efekto devastador den bo kurpa. Hopi kontroversial. Loke ta yuda bo no por, loke no ta yuda bo sí por.”

Herma a risibí hopi sosten riba facebook ayera despues ku el a pone su mensahe di despedida.

Pa Karibe Hulandes

DCNA ta lansa plan di akshon di klima

KRALENDIJK – E organisashon di naturalesa, Dutch Caribbean Nature Alliance (DCNA), ta lansa

un plan di akshon di klima pa Karibe Hulandes. E plan aki ta duna rekomendashonnan konkreto pa

tur isla karibense di Reino tokante tantu adaptashon komo strategianan di mitigashon pa por bai kontra

e efektonan di kambio di klima.

E islanan Karibe Hulandes ta hopi vulnerabel pa e konsekuensianan di kambio di klima, segun DCNA. Bida i sobrebibensia di hende, meskos tambe mayoria aktividat ekonómiko, ta keda den área di kosta, miéntras e naturalesa úniko di e region ya ta bou di preshon dor di influensia humano. Esaki ta empeorá mas ainda dor di e echo ku debí na e área geográfiko chikí di e isla i kapasidat limitá di hende, e abilidad di forsa pa rekuperashon di sosiedunan desastroso ta abou.

Komo manehadó di naturalesa na Karibe Hulandes, e parkenan uní den DCNA ya ta ripará kon e kambio di klima ta influensia e islanan. Nan ta konsiderá esaki komo esensial pa tur gobièrnu, tantu di Hulanda i Karibe Hulandes, pa

brasa nan plan i traha huntu ku esnan embolbí na implementashon di un futuro sabí di klima pa, manera nan ta bisa, islanan bunita i pa nan komunitatnan.

Segun e efektonan di kambio di klima ta empeorá, segun DCNA, ta esensialmente di importansia pa hasi mas pa mehorá implementashon di mitigashon i strategianan di adaptashon na Karibe Hulandes.

Desaroyo duradero i kombatementu di kambio di klima, ta eksigi un aserkamentu integrá ku ta duna prioridat na protekshon di naturalesa, independiente di energia, industria di turismo duradero i un ekonomia blou diverso.

Pero mas importante ta ku esaki mester tin un esfuerso konhunto kaminda paisnan ta traha huntu pa reforsá otro ku esfuersonan i determinashon.

Kolaborashon entre INTERPOL i KPCN fruktífero

KRALENDIJK -- Den e kaso di e mucha muhé Boneriano pèrdí na Europa, Kuerpo Polisial Karibe Hulandes, KPCN, a traha intensivamente huntu ku INTERPOL. Esaki entre otro a kondusí ku e mucha muhé por a regresá Boneiru rápido. E ret di kolaborashon konsistiendo di e departamento di informashon i ekspertisio di KPCN i INTERPOL, a muestra kon importante un kolaborashon stabil ta.

Tin 194 pais afiliá na e organisashon mundial di INTERPOL, bou di kua tambe Karibe Hulandes. Sinembargo a hasi un a-

pelashon eksitoso na trahadónan di Koninklijke Marechaussee i di Ofisina Sentral Nashonal, NCB, na Hulanda, ku tabata dispuestos pa asistí.

For di 12 di aprel 2021 KPCN, huntu ku Polis Hulandes i INTERPOL, a establese un kolaborashon internashonal. E islanan Boneiru, St. Eustatius i Saba, via e kontakto direkto ku INTERPOL, ta den kontakto ku e sede prinsipal na Lyon i ku agentenan polisial kasi rònt mundu. Dor di esaki agentenan polisial di KPCN mes por konsultá i suministrá e banco di dato di INTERPOL i asina inter-

kambiá informashon rònt mundu di un manera seif.

Agentenan di Intèl di KPCN ta di trein i ta traha na e departamento di informashon i ekspertisio. Nan ta forma e konekshon entre INTERPOL i e servisionan di mantenshon di lei na e islanan di Karibe Hulandes, Boneiru, St. Eustatius i Saba. Pa kasonan di persona pèrdí i trabou di reshèrshi en partikular, e unidatnan spesial aki i e kolaborashon rápido i efektivu den e ret polisial kompletu, ta indispensable.

Den e kaso aki esaki a kondusí na hayasgo rápido di e mucha muhé pèrdí.

Pride: Lucha di derecho

KRALENDIJK -- Nos ta biba den un sosiedat diversifiká i kompleho ku representashon i partisipashon di diferente grupo di hende. E diversidat aki ta evidente den aspektonan manera origen étniko, klase sosial, religion, abilidad físiko òf mental, género i tambe preferensia seksual. Pa nos por komprondé i relatá mihó na otro, ta nos responsabilidat i deber síviko pa informá nos mes tokante temanan ku ta di importansia pa hustamente e gruponan minoritario den nos pais. Ademas di informá nos mes, nos meta mester ta pa krea un komunidad sigur, inklusivo, solidario i hustu pa un i tur. Asina nos por duna berdadero balor na e prinsipio di hustisia sosial, Daisy Coffie di M21 ta skirbi.

Pa e motibu aki, segun Coffie e ke para ketu na e tema di e lucha pa derechinan di e komunidad LGBTQ+. E siman aki a celebrá Amsterdam Pride, marchanan di orguyo òf Pride, ta manifestashonnan sosial di e movimentu pa

derechinan pa e komunidad LGBTQ+ i ta keda organisá na diferente siudat rònt mundu.

Tradishon

E tradishon aki a kuminsá na Merka komo un akto di rebeldia i protesta, pero awendia ta un representashon mundial di balor i búskeda di igualdat sin eksklushon. Un di e ophektivo prinsipal di e manifestashonnan aki ta pa mustra i ekspresá ku orguyo e diversidat di orientashonnan seksual i géneronan ku ta eksistí, pa laga mustra loka tradishonalmente ta reprimí i trese e realidat di e komunidad aki dilanti, Coffie ta skirbi.

Coffie: “Ku e Pride ta otorgá tambe mas visibilidad na e komunidad LGBTQ+. Personanan ku ta parti di e grupo aki por sinti liber di mustra nan mes manera nan ta sin miedu pa represhon òf kritiká sosial. Den e manifestashonnan aki miembronan di e komunidad LGBTQ+ ta ripará i sinti ku nan no ta nan so i ku tin hopi hende, ku no ta



LGBTQ+, ku ta stima nan, defendé nan, respetá nan i tin masha hopi hende pa ken nan ta importante.”

Kambio di mentalidat

Coffie ta sigui, manifestashonnan di orguyo LGBTQ+ ta di suma importansia tambe, pasobra nan ta yuda kambia mentalidat di hopi hende i krea un otro perspektiva. Pride simplemente ta eksigí kumplimentu i rèspèt pa ku derechinan fundamental.

Ta importante pa bisa, di akuerdo ku e lider polítiko ta M21, ku for di e momento ku e tipo di akshonnan aki a kuminsá na aña 1969, tabatin avanse nan grandi

kontra diskriminashon.

Sinembargo, ainda ta eksistí hopi akto di odio i tin hopi pais kaminda kualke orientashon seksual no tradishonal, no ta aseptá i asta ta konsiderá nan komo krimen ku ta keda kastigá. P’esei e lucha di e komunidad LGBTQ+ ta sigui, te ora ku por logra eliminá etikètnan i prehuisionan.

Pa logra e kambio, kada persona den nos komunidad mester para fuerte i defendé derechinan humano di kada

siudadano, inkluso di e komunidad LGBTQ+, segun Coffie.

M21 ta para pa igualdat, inklushon i no diskriminashon, nos ke garantia di tur e derechinan humano, nos ta duna i alabes eksigí trato igual pa i na tur hende, asina un sistema balansá ta funshoná bon, asina un isla òf pais mester ta, ku trato igual pa un i tur.

Toleransia i rèspèt ta e yabi, segun Coffie.

BròKèS 93.5 FM
Tono Positivo, Ritmo Dibertido

STUDIO Telefon & WhatsApp
+599 701 0935

Maneho General;
Djòni Leoneta +599 786 9091
Maneho atministrativo;
Ethel Leoneta +599 796 9133
email; 93.5boneiru@gmail.com



MI ALMA TIN SET DI DIOS

Skritura: Salmo 63:1-8

“O Dios, Bo ta mi Dios; ku tur seriedat lo mi buskaBo; mi alma tin set di Bo, mi karni ta anhelá na Bo, den un tera seku i yen di set, kaminda no tin awa.”

Salmo 63:1(BS)

Ken por biba sin awa? Nos niun! Awa ta un nesesidat primordial di hende. Hende por bai algun dia sin kuminda, ma sin awa si ta imposibel. Den nos Skritura di awe nos ta wak kon Dios a pone David den un desierto pa asina David mira su nesesidat di awa spiritual. Den su tempu difisil el a rekonosé Dios pa ken E ta. El a alabá i bendishoná Dios Kende a sasia su set spiritual, e tabata stima Dios i a busk’E. Komo hende hopi biaha nos tambe ta den nesesidatnan spiritual. Esei por ta: ansiedat, angustia, miedu, duda, desánimo, persiguishon, salbashon, ets. Nos por yega serka Dios i rekonosé nos nesesidat i set spiritual. Manera: pas, fortaleza, refugio, trankilidad, kompañerismo, ánimo, kurashi, amor, ets. Mi amigu, si bo alma tin set awe, buska awa bibu i abundante serka Esun ku so por duna bo esaki i lo bo no haña set nunca mas. “... i esun ku kere den Mi lo no haña set nunca.” Juan 6:35 Si akaso bo no tin Kristu Hesus komo bo Salbador; hasi orashon na Dios i rekonosé ku bo ta un pekadó i ku ta e sanger di Hesus so por salba bo. Pidi Dios pa pordoná bo i E lo hasi esaki i duna bo e awa bibu. Hesus ke sasia e set di bo alma awe! Gilda Beukenboom-Sintjago

Produkshon PGM



Programanan di Bonaire.tv

TELBO kanal 70

Flamingo TV kanal 23

Djárason 3 ougùstùs 2022

12.00 Herensia:	Maria Pardo-Carlo
13.00 Aki Boneiru:	Simadan Doe i Chana 2017
14.00 Herensia:	Mario Jose Cicilia
15.00 BAPA:	Albertson Dorothea i Winfred Dania
16.00 Herensia:	Angel Salsbach 1
17.00 AKI Statia:	Sixto Penijn
18.00 Herensia:	Carmen Simmons-Nicholson
19.00 BAPA:	Bon Recycling
20.00 Aktualidat:	Wilma Nijland (Bolivia)
21.00 Dokumental:	Mundu Nobo Pa Tera Kora
22.00 Herensia:	Agatha Rijna-Beukenboom
23.00 BAPA:	Anthony Cecilia

Tur mèrdia 12’or ta kuminsá un programashon nobo di 4 ora.
E programashon aki ta ripití pa 24:00.



E siman aki a keda publiká ku ta bai sali un buki tokante bida i karera di Lodewijk D. Gerharts. Un buki skirbí pa René Roders, basá riba loke Gerharts mes a skirbi di su bida i karera. 'De Memoires van Tатаis' ta den archibo di FuHi-KuBo. A base di e manuskrito aki René a kuminsá ku su investigashon.

Mi mester bisa ku mi tabata basta embolbí ku e investigashon ku René a hasi. Un investigashon bon hasí. El a konsultá hopi korant, dokumento i otro material pa por a haña un imágen di e persona aki, ku tin alrededor di 40 aña morto kaba. Tambe el a papia ku hopi hende.

Gerharts tabata embolbí den kantidat grandi di desaroyo ku a tuma lugá durante sigur 50 aña na Boneiru riba tereno komersial, polítiko i hopi mas. Asta San Nikolas e tabata bisti. René a papia ku hopi hende pa haña informashon tokante Gerharts. Tambe ku su famianan, manera e dos yunan di LD. Ku Hugo el a papia promé ku su morto, miéntras e outor a biaha pa Hulanda pa papia ku Astrid.

Loke ta haña hopi atenshon den e buki aki ta e supuesto embolbimentu di Gerharts den kasonan di inmoralidat den pasado, pa kua asta a persiguié, hib'é Korte i konden'é. Den e parti aki di e buki, ku mi a lesa, ta bini bon kla dilanti te na unda polítika por yega na Boneiru. Inkreibel! E buki aki ta yuda 'clear' nòmber di LD Gerharts.

E buki aki sin duda ta un atkishon importante pa nos historia skirbí. Por kompar'é un tiki ku e buki tokante Julio Abraham. LD i Djul tabata aliado i despues enemigu polítiko feros di otro. Loke mi por sigurá ta ku e buki aki ta basá riba investigashon serio i profundo. René a tuma tur su tempu pa hasi investigashon i despues bai sinta tras di su kòmputer pa skirbi.

Mi ta spera ku publikashon di e buki aki lo por yuda stimulá nos mes hendenan tambe pa kuminsá skirbi nos historia, skirbi biografia i susesonan importante den nos historia.

Djis promé ku avion lanta e ta sali na kareda

Pasahero ta subi avion robes

KRALENDIJK -- Djâmars mainta riba e promé buelo di e kompania di aviashon di EZ-Air, kasi kla pa lanta buelo, un pasahero a sali na kareda baha for di e avion. Esaki a sosodé na Kòrsou. Den e dama su pasada pa baha for di e avion, el a bisa ku e no mester ta den e avion aki, sino un otro avion.

E tabata riba e buelo EZ-Air Saab 7Z671, Kòrsou pa Boneiru. Ta trata di un pasahero ku mester a bai Aruba. Tur kontròl i proseso tabata normal, sinembargo algu straño a sosodé. E dama pasahero no a tuma nota ku ta trata di un buelo pa Boneiru, tampoko esnan ku ta atendé ku pasahero a tuma nota ku e dama ta pertenesé na un otro avion ku otro destinashon.

Kisas ta importante pa tende kiko a sosodé i si algu asina, apesar di e kon-

tròlnan, por sosodé. Na e momentu ei tabatin un reporterero di BONERIANO ku a mira tur loke a sosodé i a saka potrèt di un di e dos avionnan di EZ-Air e mainta, rumbo pa Boneiru. Tambe a saka potrèt momentu e avion menshoná a yega Boneiru, por poko ku un persona inkorekto abordo.



Maria Pardo den 'Herensia'

KRALENDIJK – Un señoira di riba 90 aña ta den e programa Herensia e siman aki na Bonaire.tv.

Ta trata di Maria Pardo, nasé na Boneiru, pero bibá pa añanan kaba na Kòrsou, na unda e tim ku ta produsí Herensia a bishit'é.

Maria, no opstante su edat haltu, ta físikamente bon di salú. Su memoria tambe ta tremendo.

E ta hiba e televidente

den tempu na tantu Kòrsou komo Boneiru, na unda el a pasa su infansia.

Kompañá pa su lora ku ta blo grita purba intervení, Maria ta kompartí su bida, kosnan bunita, pero tambe ménos bunita ku el a pasa'den.

E programa ta bai den aire djârason pa 12'or di mèrdia ku vários ripitishon durante tres dia na Bonaire.tv



Pa yuda alsa kalidat di bida

Kontribushon studiantenan indispensabel

KRALENDIJK – “Boso kontribushon ta indispensabel pa yuda nos alsa kalidat di bida di nos tur aki na Boneiru i no laga ningun hende keda atras. Huntu nos lo por krea un Boneiru próspero, un Boneiru kaminda e prosperidat ta hustu repartí pa nos tur, un Boneiru di un komunidad multikultural, pero kaminda nos lo por kombibí ku otro den un forma harmonioso, respetando e balornan humano fundamental di libertat, igualdat i fraternidat, konstruí riba e fundeshi di demokrasia i outogovernashon.” Esaki lider polítiko di M21, Daisy Coffie, ta skirbi e studiantenan ku a biaha djaluna pa Hulanda.

Awe boso ta bandoná boso kas, boso famia, boso amistadnan, boso Boneiru, en buska di horizontenan

nobo na bienestar di boso desaroyo personal. Ora boso subi avion, ta nifiká fin di un temporada largu di esfuerso, energia i dedikashon di tur dia, ku boso a hinka den boso karera eskolar aki na Boneiru. Sigur ku un sentimentu di gratitut primeramente na boso mayornan, pero tambe na tur e maestro i maestra ku tur dia di nobo a enkurashá boso pa hasi boso bèst en buska di lo máksimo den boso desaroyo personal ku e meta pa konstruí un base sólido pa boso futuro, en buska di prosperidat i felisidat personal. Boso mayornan, maestro i maestra, a duna boso e rais, pero alabes e alanan pa un dia boso bula bai for di e neishi di calor, kariño i amor di kas i pa para riba boso mes, Coffie ta skirbi.

Propósito

Coffie ta sigui, e éksito di boso futuro for di awe ta kompletamente den boso mes man. Ta boso a skohe pa un estudio ku lo hiba boso na un nivel mas altu. Ta boso a formulá pa boso mes e meta di boso bida. I ta boso ta konsiente ku nada lo mester stroba boso pa alkansá e meta ku boso a pone boso dilanti. Boso ta bai pe i punto.

Coffie: “Mi palabranan di enkurashamentu ta salí for di mi kurason, komo mama ku tambe a pasa e eksperensia aki ku mi yu, pero tambe ku un dia den mi bida a sali for di e neishi di calor, kariño i amor di mi hogar, en buska di mi desaroyo personal bandonando pa un temporada mi isla stimá. Mi a logra mi meta personal, pero alabes mi a

regresá mi isla natal ku e propósito pa pone mi konosementu, mi eksperensia na servisio di mi komunidad i ku e konosementu i eksperensia aki duna di mi parti pa trata huntu ku otro hasi e diferencia ku tantu nos komunidad mester.”

Norma i balor

Huntu ku otro, segun Coffie, e tin e privilegio di ta parti di un Boneiru ku ta pará na komienso di un desaroyo totalmente nobo. Un desaroyo di kual su éksito ta dependé primeramente di nos mes. Boso lo ta e generashon ku aki algun año lo mester regresá pa sigui karga e desaroyo aki i hib’é na un nivel aun mas haltu. Un nivel di desaroyo ku lo ta fundá riba nos norma i balornan, nos kultura i naturalesa outéntiko ku nos ta bendishoná kuné i ku ta hasi nos e isla tur parti di mundu gabá. E tera di solo i suave biento di un kondukta tur parti di mundu apresia. I ounke chikí ku su defekto ku nos tur lo sigui stima ariba tur kos.

Coffie su mensahe ta, boso no ta esun di tur biá, esta bai i bolbe, pasobra bo isla mester di bo. E mensahe ta ku miéntras boso ta preparando boso mes futuro, e huntu ku sobrá, lo mester krea e Boneiru ku ta warda boso ku brasnan habrí i ku lo krea e facilidadnan nesario pa boso regreso tin e garantia di ku boso lo por sigui krese riba boso propio isla i meimei di boso propio komunidad. Garantianan di trabou ku ta kuadra ku boso profeshonalismo, oportunidatnan pa boso por tin boso propio tereno i facilidad finansiero pa konstruí boso propio hogar i mas ku tur kos, e rekonosimentu i respèt pa boso dunando boso e partisipashon den e desaroyo di e futuro ku boso lo tin ku konstruí i karga.

“Pa e mensahe aki no

keda solamente na palabra, mi lo hasi mi esfuerso pa krea un netwerk ku boso i e otro nan ku ainda no a regresá pa kontinuamente nos ta na altura di tur posibilidatnan ku Boneiru ta brinda boso i boso balor agregá pa Boneiru. E ta eksigí di boso parti tambe un partisipashon aktivo den desaroyo di nos isla, kaminda boso lo ta aktivamente kompartiendo boso konosementu i eksperensianan inovativo ku e mundu grandi ku boso ta bayendo aden ta desaroyá. Boso lo tin e deber pa laga Boneiru tambe partisipá den e desaroyonan ei i no isolá nos for di restu di mundu,” Coffie ta skirbi.

Kontribushon indispensabel

Boso kontribushon ta indispensabel pa yuda nos alsa kalidat di bida di nos tur aki na Boneiru i no laga ningun hende keda atras, di akuerdo ku Coffie. Huntu nos lo por krea un Boneiru próspero, un Boneiru kaminda e prosperidat ta hustu repartí pa nos tur, un Boneiru di un komunidad multikultural, pero kaminda nos lo por kombibí ku otro den un forma harmonioso respetando e balornan humano fundamental di libertat, igualdat i fraternidat, konstruí riba e fundeshi di demokrasia i outogovernashon.

Coffie ta finalisá: “Laga e mensahe aki ta alabes un compromiso ku nos ta sera ku otro i ku nos ta bai pe. Laga forsa spiritual, sabiduria, perseveransia ta boso guia tur dia di nobo i mi ta konvensí ku éksito den boso kareda personal lo ta garantisá i ku boso lo ta e generashon nobo ku lo karga ku responsabilidad e Boneiru ku nos grandinan a krea pa nos.

Pa aweró un bon biahe, un safe flight i te aki algun año. Biba Boneiru.”



CBP BES ta sigui ku kòntrol riba aplikashon di lei

Island Finance ta atendé satisfaktoriamente ku lei di privasidat

KRALENDIJK -- E Komishon Supervisor di Protekshon di Dato Personal BES (CBP BES) ta sigui ku ehkushon di su tarea legal, esta kòntrol di aplikashon di e lei di privasidat. Den kuadro di su tarea di supervishon e CBP BES resientemente a hasi un kòntrol na e organisashon Island Finance

Bonaire. E CBP BES a risibí vários notifikashon di komunidat lokal tokante prosesamentu di informashon privá na Island Finance Bonaire. Segun mayoria notifikashon ta trata di interrogatorio di informashon privá serka kliente. Esaki a resultá den un investigashon segun e Lei di protekshon

di dato personal BES (Wbp BES).

E investigashon tabata dirigí riba kuater aspekto: e meta di e prosesamentu (artíkulo 7 Wbp BES), e fundashon legal i nesesidat pa e prosesamentu (artíkulo 8 Wbp BES), e prinsipionan di prosesamentu, proporshonalidat i supsidaridat i por último:

e garantia pa seguridat di informashon privá (artíkulo 13 Wbp BES).

Despues di e investigashon na e instituto di krédito i e revishon basá riba e Wbp BES, CBP BES a konkluí ku e instansia pa gran parti ta kumpli ku e normanan ankrá den lei i ta sumamente satisfecho ku e

manera di prosesamentu na e instituto di krédito Island Finance.

“Nos ta kontentu ku e bon kolaborashon ku Island Finance Bonaire i e manera rápido ku e organisashon ta trata na implementá e rekomendashonnan”, asina Roëlla Pourier, sekretaria di CBP BES, ta indiká.



Title: Administrative and Finance Assistant
Job Requisition ID: 221791
Location: Bonaire, Bonaire, Netherlands Antilles
Category: ADMINISTRATIVE SERVICES

Description:
 Want to build a stronger, more sustainable future and cultivate your career? Join Cargill's global team of 160,000 employees who are committed to safe, responsible and sustainable ways to nourish the world. This position is in Cargill's protein and salt business, where we provide wholesome, high-quality food products to a wide range of customers, from foodservice operators and grocery stores to manufacturers and exporters.

Job Purpose and Impact
 The Administrative and Finance Assistant will make independent decision regarding planning, organizing and scheduling of more complex administrative support. In this role, you will coordinate, integrate and implement assigned administrative or staff functions.

- Key Accountabilities**
- Apply detailed knowledge of department operations and infrastructure, policies and procedures to perform moderately complex administrative processes.
 - Schedule and coordinate meetings, diaries, and travel arrangements.
 - Solicit, collect, and organize documentation and data to perform moderately complex data entry into one or more systems.
 - Plans, coordinates, and confirms logistics for more complex meetings and travel.
 - Provide assistance and training to lower-level employees.
 - Handle complex clerical, administrative, technical or customer support issues under minimal supervision, while escalating only the most complex issues to appropriate staff.
 - Other duties as assigned

- Minimum Qualifications**
- High school diploma, secondary education level or equivalent
 - Minimum of four years of related work experience
 - Must be fluent in English, Papiamentu, and Spanish
 - Must have working experience on Microsoft Office and QuickBooks

Apply now
<https://jobs.cargill.com/job/Bonaire-Administrative-and-Finance-Assistant-Bona/751716902/>

Or Email: nicole_salgado@cargill.com

Coral Casino Bonaire ta buskando DEALERS Edat 21+

- *Coral Casino por duna training tambe pa por siña bira Dealer
- *Aplikante mester ta den posishon di un pasport Hulandes
- *Mester por domina e idiomaan: Papiamentu, Ingles, Hulandes i Spaño
- *Mester por presentá papel di 'Bon Kondukta'.

Pa mas informashon por pasa personalmente na Coral Casino durante orario di ofisina: djaluna pa djabierne 8'or mainta pa 5'or atardi òf por tuma kontakto ku nos via telefòn nr. 717-4215 òf por manda nos un email na info@coralcasinobonaire.com

Mensaje de la Virgen Maria Reina de La Paz desde Medjugorje hoy 25 de Julio de 2022

"Queridos hijos, estoy con ustedes para guiarlos por el camino de la conversión porque, hijitos, con sus vidas pueden acercar muchas almas a mi Hijo. Sean testigos gozosos de la Palabra y del amor de Dios, con la esperanza en el corazón que vence todo mal. Perdonen a los que les hacen mal y caminen por la senda de la santidad. Los conduzco a mi Hijo para que Él sea para ustedes Camino, Verdad y Vida. ¡Gracias por haber respondido mi llamado!" 07/25

Fresh Market Station B.V.

is op zoek naar

hulpkok

- minstens 3 jaar ervaring als hulpkok
- kennis van het koken van mediterrane eten
- engels en spaans taalsprekend is een pre

Voor meer inf bellen naar 780-4507

SPECIAL SECURITY SERVICES B.V.

tin mester di

1 tékniko seguridat elektróniko

- pa instalashon i mantenshon di sistema di alarma, CCTV, acces conbtrelols
- mester tin prueba di bon kondukta i ta fleksibel den orarionan di trabou
- mester tin 2 anja di eksperensia

Por yama 717-8125 of email: info@sssbonaire.com

LOKE TABATA NOTISIA

Siudadanonan di honor nombrá den konekshon ku 'Dia di Boneiru':

KRALENDIJK – (2007) Manira Felix-Saleh, Urba Pourier i Jan Jonkman a keda nombrá e aña aki pa Gobièrnu di Boneiru komo siudadano di honor, en konekshon ku selebrashon di 'Dia di Boneiru' djárason mainta. Diputado Geraldine Dammers, enkargá ku kultura, a entregá plakata na e tres siudadanonan di honor, ku kada un riba nan tereno, a sa di distinguí nan mes, yegando na optené e título importante aki, ku tur aña gobièrnu ta otorgá na personanan ku a sobresalí den nan trabou i bida.

Manira Felix-Saleh a nase dia 13 di febrüari 1927 na Boneiru for di mayornan libanes, ku a kuminsá hasi negoshi riba e isla aki. Nan tabatin nan tienda den Playa, na unda e yunan di e famia grandi aki tabata yuda nan mayornan. E úniko yu ku no tabatin mag traha den tienda tabata Manira, komo ku e tabatin un kurason muchu bon. E tabata haña duele di e klientenan di ménos rekursu i tabata duna nan kos grátis for di e negoshi.

Semper Manira, kende a kasa despues ku e konosido Achi Felix, tabata konosí komo un hende ku kariño pa tur hende, sin

distinshon. Tur hende ku pasa na nan kas por a konta ku algu di kome, un kòfi mainta. Entre otro kunukeronan ku tabata bini Playa pa atendé nan asuntunan. Mèrdia te asta un kuminda kompletu nan por a haña.

Monica Urbanita Pourier, kariñosamente yamá Urba, tabata e segundo siudadano di honor ku a keda anunsiá djarason mainta. El a nase dia 4 di mei 1935 den e bario Rincon.

Urba Pourier a traha durante un periodo largu den enseñansa na skolnan básiko tantu na Boneiru komo Kòrsou. Banda di su trabou pagá komo maestra, den su ora liber Urba Pourier a yuda hopi muchu den nan estudio, dunando nan lès adishonal. Di 1973 pa 1990 Urba Pourier a traha komo kabes di Papa Cornesschool na Antriol.

Riba tereno di hubentut Urba Pourier a sobresalí pa su aktividatnan den Padvinderij. Asina e tabata fundadó di e grupo di AMG na Boneiru, di kua grupo e tabata lider tambe durante hopi aña.

Na 1974 Urba ta figurá komo fundadó di e klup di dama Rinfa di Rincon. For di seno di e grupo aki a nase e iniciativa pa ku-

minsá un krèsh pa yuda mamanan ku mester a bai traha pa gana nan pan di kada dia. E krèsh aki, Krèsh Bonbiní, ta eksistí ketu bai, awe manehá pa Fundashon Sosial Rincon.

Jan Jonkman, nasé dia 21 di mei 1937 na Hulanda, a studia teologia na Alemania, despues di kua el a traha dos aña komo predikador den e pais ei. Na aña 1964 Jonkman a bini Boneiru pa remplasá Herman Eggink komo domi di

Iglesia Protestant.

Na 1972 Domi Jonkman a bira predikador di Fort Kerk na Kòrsou. Banda di hubentut, riba e isla ei grandinan tambe a haña hopi atenshon di su parti. Entre otro el a funda un grupo di hende grandi bou di e nòmber di Kokolishi, ku regularmente tabata bai pasa dia pa Oleander.

Na 1987 Jonkman a stòp di traha komo predikador. El a drenta e kadena hudisial, trahando

na Voogdijraad i Reclasing. Tambe el a lanta Fundashon Guia di Famia na Kòrsou, di kua e tabata promé direktor. Tambe el a yuda lanta e tipo di fundashon aki riba e otro islanan antiano tambe.

Na 2002 Jan Jonkman a bini bèk Boneiru komo predikador di Iglesia Protestant, un tarea ku kua el a kumpli te dia promé di aprel e aña aki, momentu ku el a baha definitivamente ku penshun.

Eksposishon "polyrhythmik"


KRALENDIJK – (2007) E eksposishon "Polyrhythmik", organisá pa Suku Foundation otro siman na Kas di Arte, ta primintí di bira algu grandi atrobe. Esaki Nicole Chirino, lider di proyekto di "Polyrhythmik", a deklará. Suku Foundation ta organisá e aktividat aki pa segundo aña. Nicole Chirino den su trabou diario ta traha na ofisina di Sekretario di Teritorio Insular di

Boneiru, pero den su tempu liber ta dediká hopi atenshon na arte. Atraves di Suku Foundation e ta haña oportunidat pa organisá e eksposishon di arte titulá 'Polyrhythmik', den cuadro di 'Bonaire Heineken Jazz Festival 2007'.

Nicole Chirino ta kontentu di por bai usa su kualidatnan organisatorio den e eksposishon aki, ku ta habri ofisialmente djarason

dia 16 di mei, 5'or di atardi, na Kas di Arte. E eksposishon ta habri tur e dianan ku e festival di jazz ta dura, pues dianan 17, 18, 19 i 20 di mei.

Di akuerdo ku Nicole Chirino, el a lanta hopi pegá na arte. Den su famia tin artista tambe. Ademas e ta kere ku den tur hende tin algu artístiko; solamente bo mester deskubri na unda e ta i hasi 'algu' kuné.



KOLOFÓN
 Editor Bonaire
 Communication
 Services N.V.
 Kaya Irlanda 12,
 Tel. 717-8482
 E-mail:
 extrabon@gmail.com
 Wèpsait:
 www.extraboneiru.com

Direktor
 Shirley Martis
 785-3824
 796-3824

Hefe di redakshon
 Bòi Antoin
 786-6818

Redakshon
 Armand 'Papi' Antoin
 Davienuska Janga
 Velli Gijsbertha
 Nathaly Evertsz
 Edson Pietersz

Ibi Piar (deporte)

Partner na Aruba
 Awe Mainta

Partner na Kòrsou
 Extra

Layout
 Davienuska Janga
 Gairo Frans

Aviso
 avisobon@gmail.com

Hopi studiante rumbo pa Hulanda



Rijkdienst Caribisch Nederland

VAKATURA

Bo tambe ke traha pa RCN?
Bo por solisitá pa e siguiente funshonnan:

- ZJCN - Asistente di Asesoramentu Médiko**
- SSO-CN - Konsehero di Alohamentu**
- ZJCN - Kolaboradó di Maneho di Kuido/Servisio**
- KPCN - Kolaboradó di Komunikashon**

Mas informashon?
Bishitá www.rijksdienstcn.com/vakatura



Bou di tereno di Aeropuerto Flamingo

Investigashon presensia di kueba

KRALENDIJK – E siman aki Geotron Caribbean a kuminsá ku un pre investigashon tékniko pa presensia di kueba i espasio hòl bou di e tereno di Aeropuerto Flamingo. Esaki ta komo preparashon riba un elaborashon di e masterplan di Aeropuerto Flamingo fase 1. Ku ayudo di téknika di electrical resi-

sivity tomography (ERT), ta midi resistensia eléktriko bou di suela ku por kondusí na lugánan kaminda di presensia di kueba. Esaki ta di importansia pa sa kiko ta e forsa di e suela pa por karga tantu e fundeshi i avion i kua eventual medida adishonal ta mester pa tin suficiente forsa pa diseño e konstrukshon.



BONAIRE

MANAGER WANTED

Manage all products and day-to-day operations within budget.

Identify customer needs and respond proactively.

Attract, recruit, and train staff.

Purchase goods and source better market prices.

Report sales all health and safety regulations.

Must have experience in the required field.

You are between 25 and 45 years old.

BARTENDER WAITER/WAITRESS WANTED

Communication skills in english, spanish, dutch and papiamentu.

Must have experience in the required field.

Full time job.

Contact us at:

info@lacasadelhabano-bonaire.com

SIGUIENDO AYO SU FAKANSI

Ayo Boehoudt ta di fakansi na Oropa. BONERIANO ta sigui'é den e diferente pais, siudat i kapitalnan ku e ta bishitando. E seri no ta den sekuensia, sino ta lòs for di otro.

Awe sí ta awe. Ora no ta bo dia, papel di tualèt muhá mes lo kòrta bo i laga bo malamente heridá. Awe tur biahero òf vakashonista ku nunca sa gusta, òf tin asko di biaha den un biahea òf tour organisá, ta bai haña más forsa den nan konvikshon.

Ami nunca tabata tin nada kontra biahamentu den grupo, pasó hopi biaha ami no tabatin otro alternativa. Mi a biaha bai vários pais mi so, pasobra

tabatin amigu pa a risibí mi i keiru ku mi n'e pais anfitrión.

Biahamentu den grupo tin más desbentaha ku bentaha, pero manera m'a bisa hopi bes, no tin otro opshon pa 1001 motibu. Pa evitá ku e trein di plaser i biahe ta sigui subi, mester tuma desishon di bai den grupo, sino ta keda sin bishitá sierto paisnan.

Tur dia ta eksperensia kosnan ménos positivo den un



grupo di biahe. Pero awe tabata 'de remate' fo'i promé ku e tour a inisiá mes. Hendenan ku a paga no dòriá dòsplaka, sino hopi plaka, mester para tende pregunta di kompañeronan ku lo bai afektá nan tour i plaser sigur. Pregunta manera: "Ki ora ta bin bèk?" Esaki siendo ku ainda mester sali fo'i hotèl. "Ta den e bús nos lo keda òf mester baha?" Ora e kontesta devastador kai pa nán, mesora ta sinti e tenshon i tende murmuramentu.

Ku un terro den e stèm mi ta tende: "Mester bai kana hopi?" Mesora e guia ku lo bai ku e tour ta kore plakia situashon i purba drecha kos, bisando ku ta djis mei ora lo kana i wak algun atrakshon."

Pa ami i sigur mas hende tabata un tortura i desgustu total di tende e pregunta i kontestanan ku tabata un atentado den nos saku. Mas pió, zeta riba e kandela ta





bira ora ku hostess di tour ta bisa ku esunnan ku no ke regresá 1'or, pues apénas 3 ora despues ku nos a sali pa konosé e siudat, ku pa mayoria di nos tabata pa promé bes ku nos por keda den kaya i tuma un taksi bin kas.

Pa e hostessnan lo mester ta un alivio i ménos molèster, pasó e grupo a hala un rosea di alivio awor ku a bini ku un 'solushon' di ni karni ni piská pa esnan manera un ami, ku ke mira 'waar voor mijn geld'. Mi ke servisio i un guia na drechi durante un tempu aseptabel pa e hopi plaka ku nos a paga. Mester a trese esnan ku ke bin hotèl bèk 1or i e otronan ku tin mes un derecho mester a sigui keiru tantu ku bús komo na pia, pa por a sera konosí ku e siudat asina interesante.

Mi ta papiando di Budapest, kapital di Hungria. Mi por papia trankil di un estafa loke a pasa awe mainta, pero tambe na Roma algu similar, pero den otro forma, a tuma lugá.

Mi fanátikonan riba fb i otronan lo ta bisando aktualmente: "Ayo, pero ata bo tin asina hopi portrèt bunita di hopi sitio bunita." Pero esei tin di yama danki na mi mes i ningun otro hende.

Mi ta asina fanátiko i versá den biahamentu ku mi sa kon pa saka lo máksimo den tiki tempu, pero den un hansha i rapides ku tampoko no ta nòrmal. Vakashon mester ta trankil i ku sufisiente tempu pa mira i disfrutá di tur kos pa tur hende.

No por tuma hopi plaka di hende i ta hasi lo mínimo durante dje tour. Tene na kuenta ku tur e pais i siudatnan ku nan atrakshonnan no ta propiedat dje touroperator i pió dje hostess i e shofùr, komo trahadó pa e doño dje tour.

Kliente ta rei i lo keda rei te den siglo di siglonan, AMÈN. Despues mi lo sigui amplia kiko a pasa i ta pasando. Awor sigui disfrutá di e imágennan bunita di BUDAPEST.



Aktivitat di fakansi pa mucha

KRALENDIJK -- Mo-
joni's Gift Shop a organisá
un Spa Day di fakansi pa
mucha, na Sentro di Bario
Amboina, dia 10 di yüli di
10'or di mainta pa 4'or di
atardi.

E aktivitat tabata enserá

tratamentu pa kara, pedikür,
pintamentu, baile, desayuno,
lunch, kosnan di boka
dushi i seshon di potrèt.

E aktivitat tabata hopi
edukativo pa e muchanan.
Un total di 20 mucha muhé
a partisipá na e aktivitat i

na final nan e risibí unifòrm,
'goody bag', un potrèt pa
bai kas kuné i tambe cup-
cake. Pronto Mojoni's Gift
Shop ta bai tin otro aktivi-
dat pa mucha, debí ku nan
tambe meresé akí na Bo-
neiru.



KOORYMAN

Enjoy our
Summer BBQ event
SATURDAY
AUGUST 6TH, 2022

GET
15%
DISCOUNT
ON ALL BBQ GRILLS!

Spend \$50,- or more and receive
a BBQ Bite.

Win great prizes with Fun miles!

Visit our BBQ Food stand on site.

koorymanbv.com

THERE IS ALWAYS SOMETHING TO DO



Streif òf streik

Pa: Rudy Domacassé

**Diskushon pisá atrobe na Parke Tului Domacassé. Tópiko: Kiko nos ta bisa, streif òf streik. Esaki ta un tipo di òmelèt krioyo.

Diskushon tabata fuerte, algun hende, specialmente di Sabana i Nikiboko, ta insistí ku ta streik. Algun otro

di Playa Pabou i Rincon ta insistí ku ta streif.

Nèt na e momentu ei un eksperto di kultura ta pasa den outo i drenta e diskushon. E tambe ta insistí ku ta streik.

Dikon mi ta puntra, pasobra mi mama a siñá mi

esaki i el a pasa di historial oral. Esei tambe ta eksaktamente mi splikashon di konami ta bisa streif.

Kiko awor. Mi ta kere mihó laga esaki na boso mi amigunan di Facebook. Kiko boso ta bisa, streif òf streik.

3 di Ougùstùs 2022

**"... Señora, bo konfiansa ta grandi."
(cf Mateo 15,28a)**

Nos mester komprondé ku e señora na kende Hesus ta dirigí su mes, ta di un pueblo pagano. I e tempunan ei, paganonan no tabata bon biní serka kreyentenan, p'esei e disipelnan ta tripi bisa Hesus: "Mand'é bai..." (cf Mateo 15,23)

Pero "Señor su pensamentunan no ta di kompará ku pensamentunan di hende. Su moda di hasi no ta nos moda di hasi." (cf Isaías 55,8) P'esei, Hesus kier mustra e señora pagano su miserikòrdia, pero promé E ta pone fe di e señora fuertemente na prueba: "No ta bon pa tira pan di e muchanan, pa kachó." (cf Mateo 15,26) I e señora kombensí di dibinidat di Hesus i konsiente di su indignidat ta humiá su mes i respondé: "Pero e kachónan bou di mesa tambe ta kome wiriwiri ku nan doño laga kai!" (cf Mateo 15,27)

No ta keda Hesus otro opshon sino di konsedé e señora e fabor ku el a pidi, esta di "debolbé e yu muhé di e señora su salú." (cf Mateo 15,28b)

Señor, duna mi un fe firme den bo dibino providensia, manera e señora pagano di Evangelio.
1L Yer 31,1-7; Salmo Yer 31,10-13
Ev. Mateo 15,21-28



Partisipantenan Miss Bonaire a bishitá Kas di Kuido

KRALENDIJK -- Djaluna promé di ougùstùs e partisipantenan di Miss

Bonaire a hasi un bishita na Kas di Kuido di Fundashon Mariadal, kaminda nan a

partisipá na aktividatnan ku e grandinan i alaves a risibí informashon di kiko Kas di Kuido su meta ta pa grandinan i demensia.

Miss Nikiboko, Mitchell Emerenciana, Miss Playa Pabou, Maria Smeins i Miss Antriol, Caroline Porras, tabata presente i a saludá i sosialisá ku e grandinan i a hunga weganan sosial i kreativo i a presentá nan mes, den un programa tremendo hinká den otro dor di e guia di aktividat di Kas di Kuido.



E storia tras di Felixiana Emerentiana

Drs. John Schermer a hasi un trabou enorme, impagabel, investigando famianan boneriano. Resultado di su investigashon ta riba e wèpsait www.bonairefamily.com. Aki bo ta haña sa orígen di bo famia, sea bo ta bini di katibunan di gobièrnu (rei), katibu partikular (shon) òf hende libernan ku a biba na Boneiru. Na opinion di Schermer, "Felixiana Emerentiana (Emerenciana) ta un di e mamannan ku por karga e título di 'Mama Tera Boneiru' ku tur su honor".

Rincon

Schermer a skirbi di Felixiana: "Por konsiderá Felixiana komo un di e "matriarkanan" (opositor di patriarka!) di Boneiru, komo ku el a para na kabes di un famia i henter un generashon ku ta karga su fam. Ningun kaminda nos ta mira un tata pa dirigí destino di e famia aki, pero sí kada bes echonan di un mama disididu. No tin sufisiente palabra pa demonstrá esaki." E pueblo katibu di Boneiru tabata establese originalmente na Rincon. P'esei mester asumí ku Felixiana, ku tabata un katibu, tambe a lanta i biba den e barío aki. Un echo ta ku Felixiana sigur a nase riba suela di Boneiru komo katibu na 1810. No ta sigur ku su mama, Fransisca Emerentiana, tambe a nase (1775) na Boneiru.

Felixiana su otro rumannan tabata Batist (1893), Egidius Of Jilles (1802), Nicolaas Martis (1804), Pieter (1805), Hendrik (1806), Adriana (1809), Felixi-

ana (1810) i Johannes (1813). Den su buki "Isla di Papa Comes" e outor, Pastor Nooyen, ta trese e pensamentu ku Felixiana por ta yu di un tal de Palm. Kisas pa motibu ku dos di su rumannan a haña posishon di bomba i unu tabata karga e nòmber di Egidius. Kua de Palm ta keda un misterio.

Sirbiente di pastor

Na aña 1849 Felixiana ta haña trabou di sirbiente serka pastor di Playa, Pastor Bernardus Smit, i despues Pader Basilio. Felixiana a haña 6 yu: Maria Louisa (1829), Johannes (1832), Eleuteria (1836), Amalia (1840), Nicolaas (1844) i Anna Christina na aña 1846. Nan tata tambe ta keda deskonosí. Tur buki di boutismo di Boneiru dje tempu aya a kima den e disturbionan di 30 di mei 1969 na Kòrsou.

Ku un dedikashon pa libra su famia for di yugo sklabilitut, Fe-

Hende Inlubidabel©

lixiana ta logra kumpra libertat di tur su 6 yunan i por último ta kumpra su mes libertat tambe.

E yunan a haña e siguiente famnan: Maria Louisa Wajampibo, Johannes Merens, Amalia Filister, Eleuteria Emer, Nicolaas Filister i Anna Christina Emers. Felixiana mes ta haña e nòmber di Felixiana Merens.

Despues di abolishon di sklabilitut Felixiana ta biaha pa Kòrsou na aña 1869 i aya ta kumpra e fam De Palm p'e mes i tur su 6 yunan, plùs pa un yu di Maria Louisa, ku tabata yama Josephine Dorothea Elisabeth.

Su yu mayó, Maria Louisa, a studia pa partera. Ta topa Maria Louisa despues komo doño di diferente tereno i asta komo doño di katibu.

Meskos ta sosodé ku Johannes, ku a bira kapitan di barku i despues tambe doño di katibu. Amalia a bin kasa ku Eduard Schermer na aña 1860. Eleuteria a bira Sùr Marie Lucie, e promé sùr boneriano.

Wajampibo

Riba e lista di famnan nobo ku e yunan di Felixiana a haña ora el a kumpra nan libertat nos ta haña Maria Louisa ku e fam kopioso di Wajampibo.

E fam straño aki no ta pas di ningun forma den e sistema di duna nòmber na eks-katibunan. E nòmber aki a pone ku mester a hasi mashá esfuerso pa yega na un solushon.

Un posibel splikashon di e nòmber 'Wajampibo' ta ku e ta skonde un nòmber pa nos (un misterio?).

Si lesa e nòmber aki kabes abou i di patras bini dilanti, òf simplemente mir'é den spil, anto por rekonosé e nòmber 'egidwelem', ku kisas por ta bisa nos ku Maria Louisa su welo, pues tata di Felixiana Emerentiana, ta 'Welem', yu di 'Egidius de Palm'. Ta esaki por ta e motibu ku su mama, Felixiana, a para riba i logra tambe pa karga e nòmber di Felixiana de Palm.

Desendientenan di Felixiana Emerentiana



Cancio Emers



Servacius (Buchi Ang) Emers



Salomon Pedro de Palm



Juan de Palm



Minguel de Palm



Oscar de Palm




Adrianus Emerenciana



Alucio Emerenciana



Juan Emerenciana



Pablo Emerenciana

DEPORTE

Idea ta pa krea un mundu mas mihó pa mucha

Kiwanis Club su infoke ta riba mucha di 0 te ku 17año

KRALENDIJK--Den un entrevista ku nos tabatin ku sra. Siagnee Evertsz e siman aki, e señora aki tokante Kiwanis Club, a bisa ku Kiwanis Club ta un grupo basta yòn.

Nan a keda instalá pa Kiwanis Aruba 25 sèpt 2018.

Djeinan tur kos a kuminsá ku e mesun idea di Kiwanis Internashonal ku ta pa krea un mundu mas mihó pa mucha.

E infoke di Kiwanis ta mucha di 0 te ku 17 aña.

Esei ta nan grupo di infoke.

Esei tambe, kada bolutario, kada miembro ku ta parti di Kiwanis Club, ta pone tur nan ekspèrtisio, tur nan dinamismo, pa por sigui krea un Boneiru mas mihó, pasó nos no mag keha di e Boneiru ku nos ta biba riba dje, pero krea un Boneiru aun mas mihó pa e muchanan ku tei aworakí i pa e generashonnan ku tin ku bini.

Esei pues ta e motibu pa kua nan ta organisá diferente aktividat, djisaki mas aktividat pa por yuda e muchanan aki, pero tur loke ta rondoná nan tambe.

Entre otro nan ta hasi aktividatnan pa generá fondo dor di bende “breakfast” dia di Mama òf dia di Tata, adòrnonan masha bunita pa fiesta di Pasku.

Esei tambe ta un aktividat ku nan ta organisá pa krea fondo for di dje.

Banda di dje tambe nan tin Klup 100, esei ta un idea nobo ku a surgi últimamente den e klup.

E idea di esaki ta, pasó hopi bia ta aserká e mesun hendenan, e mesun kompanianan, pa sostené e klup.

Por ta kompania no tin hopi ainda pero habitante si.

Nos a pasa 20 mil habitante na hanchu kaba ta bai aki.

Dia pa dia manera e kresementu di Boneiru ta bai, pues ta bai bin mas.

Tin hopi ku talbes nos no sa mes ku nan ta eksistí.

Ku e idea ei den nan mente, nan a krea e Klup di 100 aki pa aserká kompanianan i tambe individualnan ku ta kere den nan kousa i ta mira e nesidatnan pa invertí, pa kontribuí pa un mihó Boneiru, un mihó mundu pa tur e muchanan ku ta biba riba mundu.

Riba nos pregunta dikun ta yama e klup unu di 100?

Sra. Siagnee Evertsz a

bisa ku e montante di mas chikitu ku nan ta pidi kualke kompania òf persona pa sostené nan kuné pa aña ta 100 dollar.

Basá riba esei pues e nòmber Klup di 100 a sali.

No t’asina ku momentu ku yega 100 nan ta sera, nò.

Tampoko e no ta ku ta 100 so bo mester kontribuí kuné.

E minimal ta 100 pa aña, kada persona individual ta disidí si nan ke añañá algu mas na dje si òf nò.

Banda di esei tambe nan a yega na e K-walk ku pa promé biá Kiwanis Club Bonaire ta bai organisá un kaminata, ku e intenshon pa rekoudá fondo, pa asina nan por sigui hasi e proyektonan ku nan ta bezig kuné kaba, tambe e proyektonan adishonal.

Riba nos pregunta kua ta e bon kousanan, e kontesta tabata ku nan ta hopi.

Ta kuminsá por ehèmpel ku temporada di Pasku,

Dia di Mama ku ta un pakete kaminda ku tantu e beibi komo e Mama ta haña produktonan di promé nesidat.

Nan tin tambe e temporada di kuminsá skol bèk, di kua nan tin e proyekto “tas pa skol” ku contenido ku nan tin 3 aña kaba ta hasi

esaki.

Sèmper tin hende ku tin mester di ayudo adishonal, pa kua nan ta yuda nan ku tas kompletamente yená ku tur artíkulo pa skol aden.

E grupo di infoke ta di 0 te ku 17 aña, pues asta si nan ta bai Liseo, nan tambe por haña ayudo, no tin distishon.

Esaki di akuerdo ku informashonnan ku sra. Siagnee Evertsz a duna den entrevista ku nos tabatin kuné, esaki relashoná ku e kaminata ku Kiwanis Club Boneiru ta bai organisá dia 28 di ougùstùs 2022.

E kaminata aki ta pa un bon kousa.

Kumpra bo karchi awó p’abo tambe bai kana i tene kurpa den kondishon i naturalmente koperá pa un bon kousa.

E kaminata ta kuminsá 7or mainta na Fèlt di Snip na Kaminda Trai Montaña i despues di kana 6KM ta finalisá bèk na unda esaki a start.

Durante ku mayornan ta den e kaminata, e muchanan ku no ke bai kana, ta keda na e sitio na Trai Montaña unda tin hendenan ku lo entretené nan ku weganan èts èts.

Èksito na Kiwanis Club ku e kaminata aki.

Arriba Perú vs Estrellas awe nochi

KRALENDIJK--Pa loke ta e partidonan di futbòl bálido pa e torneo Bonaire Day Cup 2022, despues di e partido djadumingu último ku e partido entre e ekiponan SV Vespo i SV Juventus, partido ku SV Vespo a gana ku skor di 2-1, e torneo ta sigui mañan djárason 3 di ougùstùs 8’or anochi den Stadion Antonio Trenidad na Rincon, ora ku e ekiponan Arriba Perú i SV Estrellas enfrentá otro.

Despues di e partido aki, djabièrnè awó 5 ougùstùs

2022, ta enfrentá otro e ekiponan SV Vespo i SV Young Boys.

E ganador di e partido aki entre SV Vespo i SV Young Boys, djadumingu 7 ougùstùs 2022 ta pasa pa enfrentá SV Real Rincon.

Esakinan e partidonan ku falta ainda di Bonaire Day Cup.

Nos ta deseá e ekiponan tur klase di èksito den e partidonan ku falta ainda di e eliminatorio pa yega na e ganador di Bonaire Day Cup 2022.

Èksito..

Janiro “Sniperkid” Chatlein kampion invikto Ranking Bola9

KRALENDIJK--Janiro “Sniperkid” Chatlein, djadumingu último a titulá kampion invikto di Ranking Biliart Bola9, esaki den sala di biliart di Kompleho Deportivo Jorge Nicolaas na Kaya Amsterdam.

Djadumingu último tabata un dia ku hopi akshon den e deporte di biliart.

Tabata un dia ku a hunga kuartfinal, semifinal i tambe e gran final.

Janiro Chatlein a yega final invikto despues di un ruta ku basta trabuko pero e la sa di pasa riba nan i bai final.

Den final e la topa Marvin Abdul ku a yega final via e buèlta di pèrdedó.

Tabata un final ku a finalisá ku e skor di 9-7 i asina Janiro ta bira kampion di Ranking Bola-9 djadumingu último den oranan di anochi den sala di biliart di

Kompleho Deportivo Jorge Nicolaas na Kaya Amsterdam.

Un danki ta bai na tur e fanátikonan ku a presensia e gran final, danki tambe na DJ Borgonje i DJ Jarry pa e animashon durante wikènt tras di lomba.

Ayera tabatin reunion pa pronto ranka sali ku weganan di Tim.

Resultado Ranking Bola9.



- | | |
|----------------------|----------------------------|
| 1. Janiro Chatlein. | 7/8 Gregory Frans. |
| 2. Marvin Abdul. | Pabien na e finalistanan |
| 3. Vladimir Mercera. | ku a kai den premiashon di |
| 4. Marnix Abdul. | e Ranking bola-9. |
| 5/6 David Zhen. | Riba potrèt kampion i |
| 5/6 Charlton Thomas. | supkampion Janiro Chatlein |
| 7/8 Garino Molina. | i Marvin Abdul. |

Minister Ursell Arends:

Ta sigui combersa cu agricultornan

ORANJESTAD -- Den weekend ultimo Minister di Naturalesa, Sr. Ursell Arends, acompaña pa su Sra. a bishita diferente greenhouse di Cunucu Fresh. Aki por presencia con Cunucu Fresh, un compania netamente local dirigi pa Sr. Rudolf Arends, a inova den transcurso di tempo pa por mehora nan practica di agricultura local.

Cunucu Fresh durante ultimo tempo a expande y tin diferente greenhouse unda ta planta diferente tipo di berdura. Sigur un proyecto sumente intere-

sante unda cu ta haci uzo di e sistema hidroponico (“hydroponics”).

Hydroponics, un metodo unda ta crece mata sin mester di suelo, tambe ta uza menos awa cu sistema tradicional di planta den suelo. Banda di esaki e ta laga e mata crece mas liher y tambe subi su produccion di berdura of fruta.

Tin demanda pa productonan local. Minister Arends hunto den combersacion cu e director a toca e tema: Con gobierno por yuda agricultura miho?

Un di e sugerencianan –

cual Minister Arends conhunto cu Santa Rosa kier bin cu’ne – ta un pa certificacion pa productonan local. Asina tin un seyo cu por asegura e calidad di cada producto cu ta wordo bendi riba mercado local, y tambe pa productonan pa exportacion – algo cu ta actualmente dificil pa falta di dicho certificacion. E ultimo aki ta crea e oportunidad pa nos agricultornan local por cuminsa exporta nan productonan tambe, habriendo porta pa mercadonan nobo y hopi mas grandi.

Minister Ursell Arends



ta gradici Cunucu Fresh pa a habri nan porta pa su bishita y kier a desea nan tur clase di exito y cu por conta cu e sosten di dje y di Gobierno di Aruba pa

tuma e sugerencianan den consideracion y sostene iniciativanan manera esaki activamente. “Nos lo sigui desaroya nos seguridad di alimentacion”.

Desde Hulanda prome minister ta dedica na diferente trabou y reunion

ORANJESTAD -- Prome Minister Evelyn Wever-Croes desde siman pasa a tuma vacacion despues di basta tempo di trabounan intenso. Sinem-

bargo, durante su vacacion, Prome Minister a tuma tempo pa dedica na diferente trabou y reunion entre otro pa e situacion financiero di nos pais.

Desde Hulanda, e ta trahando hunto cu esnan concerni riba e nota di maneho financiero nobo, cu ta stipula e trayecto con Aruba lo sali di e debenan ocasiona



pa e pandemia mundial. E nota di maneho aki lo yama Financieel Economisch Memorandum # 2. E conshonan di IMF lo forma un base pa esaki asisti door di un entidad Hulandes.

Ademas di esaki, Prome Minister a reuni tambe cu Secretario di Estado Alexandra van Huffelen y sr. Gradus di CAft pa traha riba e esfuersonan pa evita un aanwijzing. “Nos ta haciendo locual ta nos alcance pa trece e tranquilidad cu tin mester pa Aruba y pa no frena e progreso cu Aruba

ta aden”. Prome Minister a duna di conoce cu e siman nos dilanti e lo sigui cu e deliberacionnan na Hulanda. “Nos Gobierno ta tuma e retonan financiero hopi na serio, y si mester sacrifica vacacion pa atende cu e retonan aki, mi ta haci’e”.

Tambe Prome Minister a ricibi na Schiphol e grupo di estudiante cu a yega Hulanda pa continua nan estudio. Prome Minsiter ta gradici e opvangcommissies cu ta hopi entusiasma pa yuda nos studiantenan na Hulanda.



Chauffeur deteni pa buracheria y marihuana confisca

ORANJESTAD -- Autoridadnan policial a sigui cu diferente control den fin di siman caminda entre otro a detene un chauffeur pa motibo cu su nivel di alcohol tabata demasiado halto mientras cu den un otro accion di control, polisnan a confisca sigaria y saco di plastic cu marihuana aden.

Durante di un control na altura di caminda grandi di San Nicolas pa Oranjestad,

na altura di New Winter Garden Supermarket, polisnan ta para un auto Nissan Marchi color bruin pa un control. Ora cu e chauffeur a para e auto, a pidi su cooperacion pa e supla den aparato di Alco Sensor IV y loke el a haci tambe pero e nivel di alcohol den su aliento a supera e nivel permiti y mesora a informa e homber cu e lo keda deteni segun articulo 5, lid 2 di e

Landsverordening Wegverkeer y el a ser transporta pa warda di polis.

Algun ora despues banda di 4'or di diadomingo marduga, durnate di otro control cu a wordo haci banda di Lekker Restaurant, polisnan ta mira tres homber sinta bou di un mata di kwihi, humando sigaria pero a bin resulta cu e holo di e sigaria tabata holo di marihuana.

Mientras cu e polisnan tabata stacionando nan auto, por a ripara c'un di e homber nan aki di inicial K, con e ta hala un trek di un sigaria y despues ta benta esaki afo. Polisnan a informa e tres personanan cu nan lo efectua un control preventivo riba nan curpa y paña y riba e homber di inicial C, a bin haya un saco di plastic den cual tabatin yerba cu ta parce marihuana mientras

cu riba paña di e homber F tambe polisnan a bin haya un sigaria di marihuana, pero e mesun persona aki a informa polisnan cu den su auto e tin 5 gram di marihuana cu ta pertenece na propio uso. Tur esakinan a keda confisca mescos otro aparatonan cu ser uza na momento di lora of traha un sigaria di marihuana y esakinan a ser deposita na warda di polis na Noord.

Den reunion cu Sindicatonan ayera mainta

Minister Glenbert Croes un biaha mas ta pone WEB, ELMAR y Utilities na mesa

ORANJESTAD -- Diamars mainta Minister Glenbert a reuni cu Sindicatonan hunto cu WEB, ELMAR y Utilities riba e ahuste recien di prijs di awa y coriente.

Manera nos tur por corda, 30 di juni ultimo unilateralmente WEB a anuncia aumento di tarifa di awa, cual ahuste lo a keda introduci 1 di juli ultimo. E anuncio aki a wordo rechasa categoricamente pa Gobierno di Aruba unda cu e mandatario encarga cu Energia a duna su instruccion

pa pospone e introduccion aki. E instruccion a splica tambe cu e punto di salida mester ta un tarifa mas socialisa cu reparticion husto.

Conhuntamente cu Minister di Economia, Geoffrey Wever, a yega na un structura nobo di tarifa pa WEB y pa ELMAR cual a wordo aproba pa Consejo di Minister. E reparticion aproba tabata social, pa esunnan di menos recurso wordo menos afecta pa e ahuste aki. Na mes momento Gobierno a dicidi cu e prijsnan nobo lo wordo

reevalua dentro di 6 luna atrobe.

Sindicatonan a expresa nan preocupacion. Awe mainta encabesa pa Minister Glenbert Croes a sinta cu sindicatonan hunto cu director di WEB, ELMAR y Utilities. E mandatario a considera e reunion hopi constructivo, fructifero y franco. E discusionnan tabata hopi abierto y franco. Di parti di Sindicatonan a haci un apelacion na WEB pa reevalua e structura nobo di tarifa pa haci mas social ainda. E mandatario a



apoya e peticion aki. WEB di su banda tambe tabata habri pa bay haci e ehercicio interno pa reevalua un structura aun mas social unda cu esunnan di menos recurso ta wordo menos afecta, miho beneficia. Manera Minister Glenbert Croes a expresa, ningun Gobierno kier aumenta ni awa ni coriente ni gasolin. Pero e guerra di Rusia/Ukraina a gara mundo di sorpresa cu a ocasiona un aumento drastico na nivel mundial di prijs di petroleo. Y apesar cu desde januari ultimo WEB y ELMAR tabata pidi pa aumenta e tarifanan, e mandatario no a permiti esaki, pasobra mescos cu e pandemia a afecta e companianan aki, el a afecta nos pueblo severamente. Apenas Aruba a

drenta aña di recuperacion pa cual e mandatario kier a brinda nos pueblo e espacio pa recupera y para bek riba pia. Pero ora cu na luna di februari e guerra entre Rusia y Ucrania a cuminsa, esaki a afecta solvencia di nos companianan estatal barbaremente. Asina mes e mandatario a keda pospone e aumento. Pero ta yega un momento cu como Gobernante bo mester ta responsable den bo maneho cual ta conta pa nos pueblo primordialmente, pero tambe pa existencia di nos companianan estatal.

Importante ta cu a lograpone WEB, ELMAR y Utilities bek na mesa pa aki dos siman bin cu un reevaluacion cu un proposicion ahusta.



KÒRSOU

TUI Care Foundation i Green Phenix ta lansa proyekto pa ‘upcycle’ sushi

Amsterdam/ Willemstad – Desperdisio di plèstik i sushi riba kaya ta forma un desafio grandi riba Kòrsou. Kòrsou tin mas desperdisio di plèstik ku por akapará. Landfill tin un sobrekargo supstansial i sigun predikshon, lo yega su límite den

2025. Pa e motibu aki TUI Care Foundation, Green Phenix i Mambo Beach a uni forsa den e proyekto aki pa logra un Kòrsou mas limpi. Na Mambo Boulevard lo tin diferente baki pa kolekta sushi. Seguidamente e sushi ta bai na

un edifisio di resiklashon i ta kombertí e plèstik den produktonan atraktivo. E fábrika chikitu ta brinda empleo pa personanan lokal. Nan ta guia turistanan, informanan tokante e aktividatnan ku ta tuma lugá i alabes konsientisá nan di e desafio mundial di polushon de di plèstik.

Kada dia di nobo ta kolekta kantidat grandi di sushi na Mambo Beach. Anteriormente no tabata separá e sushi i al final tur tabata terminá na landfill. Danki na e proyekto nobo aki, bòternan di plèstik i bleknan di aluminio lo wòrdu kolekta na 6 diferente punto di resiklashon na Mambo Boulevard. Green Phenix ta esun ku ta resiklá e sushi i ta traha produktonan nobo. E medidanan sosial aki no ta pa solamente rekohé e



sushi, sino tambe surti e sushi ku depositá den sobrá bakinan. Di e manera aki nan ta skohe sushi ku por wòrdu re-usá pa produktonan nobo. Prinsipalmente despues di diferente fiesta riba playa, lo bai tin lotenan grandi di sushi. Separamentu di sushi den su totalidat ta di suma importansia i meresé mas atenshon posibel.

Biaheronan i abitantenan ku interes den durabilidad i produktonan úniko, por bishitá e fábrika chikitu di Green Phenix. Nan lo haña guia i splikashon tokante e proseso kolorido di resiklashon di plèstik. Un guia lo mustra e proseso kompleto, kuminsando fo’i e surtimentu di sushi, te e fabrikashon di suvernirnan. Durante e guia edukativo aki, ta konsientisá bishitantenan di e importansia di redukshon di sushi i nan lo risibí tepnan práktiko ku nan por apliká.

Alexander Panczuk, direktor ehekutivo di TUI Care Foundation: “Tantu stimulashon i konsientisashon di biaheronan di durabilidad, komo e sosten di komunidatnan lokal, ta forma e núcleo di e trabou ku TUI Care Foundation ta

hasiando. E iniciativa aki tin komo meta pa solushoná e problema di polushon di plèstik i pa konsientisá bishitantenan i komunidat kon nan por yuda tene e isla limpi. Alabes e ta krea oportunitat di empleo pa e komunidat lokal i ku esei ta un bon ehèmpel di kon turismo por trese un kambio positivo na un destinashon turístiko.”

E proyekto ta forma parti di e programa nobo di Destination Zero Plastic di TUI Care Foundation, ku tin komo meta pa aportá na solushon pa e problema mundial di polushon di plèstik.

E programa ta stimulá re-uso di plèstik i ta sostené inisiativanan ku ta produsí produktonan original i atraktivo. Di e manera aki e programa ta brinda oportunitatnan di empleo, den e fabrikanan di resiklashon lokal.

Green Phenix

Green Phenix ta un empresa ku ta enfoká riba kreashon di un ekonomia sirkulatorio den Karibe. Sushi di plèstik ta wòrdu rekohé i ku teknologia inovativo ta transformá esaki den produktonan durabel.

Análisis di krímennan di impakto haltu

WILLEMSTAD--Den e periodo di 25 pa 31 di yùli 2022, polis a registrá i a analisá e siguiente aktividatnan kriminal.

Atrako

Den e periodo ariba mensioná tabatin tres kaso di atrako. Esakinan a tuma lugá riba respektivamente djaweps 00.30’or, djasabra 02.20’or i 00.20’or. E sitionan tabata Kanga, Winston Churchillweg i Bermudaweg.

Ladronisia di vehíkulo

Den e periodo aki tabatin tres notifikashon di ladronisia di outo. A hòrtá e vehikulonan aki for di lugá di stashoná outo na e.o. Dreams Hotel i Seru Bottelier. Den dos kaso a bai

ku un Mitsubishi Lancer i un Kia Cerato.

Kiebro den kas

Polis a registrá dos kiebro den kas di kua mayoria tuma lugá 07.30’or i 20.39’or riba djaluna i djárason. Malechornan a penetrá dor di kibra kandal i den e otro kaso kibra bentana di e kas. E kiebronan aki a tuma lugá den Camaliaweg, Kaya Abeha, Montaña Rey i Trinidadweg.

Kiebro den negoshi

Den e periodo aki no a registrá ningun kiebro den negoshi.

Kiebro den/na outo

Tabatin shete kiebro den outo, ku a tuma lugá riba djárason, djaweps, djabièr-

nè i djadumingu i mayoria a tuma lugá entre 02.00’or i 03.45’or.

E método ku mas e malechornan a usa tabata di kibra bentana di patras. Sitionan na unda a kibra na e outonan tabata Baya Beach, Jumentoweg, Kanga, Playa Canoa i Winston Churchillweg.

Violensia relashonal

Polis mester a atendé seis kaso di violensia relashonal, di kua mayoria a tuma lugá durante di henter siman. Mayoria di e kasonan aki a tuma lugá entre 16.00’ i 17.00’or. E árean kaminda ku polis mester a duna asistensia pa e tipo di violensianan aki, tabata for di Koraalspecht te ku Souax Oost.

STATIA/SABA/ST. MAARTEN

Karnaval di Statia, bunita, kolorido i yen goso

(Foto: Alida francis)



Ambiente di Nos Zjilea na Mangazina Di Rei



LAPTOP BACKPACK \$40

14" HP LAPTOP

\$429



super special



GAMING MOUSE + KEYBOARD COMBO \$225



HOT price



HP PRINTER \$79

City Shop

Smart shopping ▶ Better living

🏠 Kaya International #36
☎️ +599 717.36.66

🌐 www.cityshopbonaire.com
✉️ info@cityshopbonaire.com

📘 City Shop Bonaire
📞 +599 700.64.42